

中華國文學精華

注音

文宗朝侯

味經堂選本

注音
侯朝宗文

揭要

明中葉後之文，病冗，病膚，病媚，病鉤棘，蓋夢陽景明摹仿馬遷之說，有以誤之也。夫合離起伏，變化不測，馬遷之文也；變化之中，規矩秩然，唐宋八家之文也；必借徑於八家，而後循序漸進，以求幾乎馬遷，此精於文者之公言也；此義也，侯子得之。

小傳

先生名方域，字朝宗，河南商邱人。性豪邁，多大略；與桐城方以智如皋冒襄宜興陳貞慧稱四公子。福王時爲阮大鍼所搆，走依高傑得免。入清中順治副榜。初放意聲伎，已而悔之。卒年三十七，有壯悔堂文集四憶堂詩集。

侯朝宗文

目次

王子丹論	一	樓山堂遺集序	二八
王猛論	五	陳其年詩序	三一
顏真卿論	八	贈陳郎序	三四
聶人臧說	一三	書昌黎潮州上謝表後	三八
狄仁傑反周復唐辯	一五	書練貞吉日記後	三九
萬孝子割股議	一七	書吳延仲集後	四一
贈徐子序	二〇	答田中丞書	四三
大寂子詩序	二三	癸未去金陵日與阮光祿書	四五
八陣圖序	二五	爲司徒公與寧南侯書	四九

與任王谷論文書·····	五二	陳將軍二鶴記·····	九四
與吳駿公書·····	五六	管夫人畫竹記·····	九六
答張爾公書·····	五九	明東平州太守常公墓誌銘·····	九九
司成公家傳·····	六一	明都察院左都御史太子少保贈	
賈生傳·····	六八	少保陳公墓誌銘·····	一〇一
吳伯裔伯胤傳·····	七一	沈季宣墓誌銘·····	一〇九
徐作霖張渭傳·····	七三	郭老僕墓誌銘·····	一一〇
湯御史傳·····	七七	祭吳次尾文·····	一二三
寧南侯傳·····	八二	憫獐·····	一二五
李姬傳·····	八九	盧告·····	一二七
馬伶傳·····	九二		

注音

侯朝宗文

味經堂選本

太子丹論

戰國燕王喜子，質於秦，亡歸。見秦兵臨易水，陰養壯士，使荆軻獻寶九地國及樊於期頭於秦，因襲刺秦王，

覺，殺軻，使王翦擊燕，王喜斬丹以獻秦。

天下有繩墨之論，而挫英雄志士之氣者，如以荆軻

切音何

爲盜是也。況乎狃

於成敗之形，而不察於確然之數，以忠臣孝子不得已之深心苦行，厚去不痛惜其不幸，而反以爲罪，則何以爲後之國家者處仇敵法也？

昔者，燕平

太子丹遣荆軻入秦，刺始皇不中，厚去秦人來伐，王喜斬丹頭以獻

於秦，國竟以滅。宋儒曰：丹有罪焉，故書斬。

嗚乎！丹之心事，可以告之皇天后土而無憾矣！其死也，將不見其始祖召公

爽

厚音於九原，卽引而進之周之先文王武王之側，亦豈有慚色哉！本意欲殺敵，不

遂則死，已決絕於易水送軻之日矣。其書斬者，固其所笑而不受也。

太子丹論

一

然且何以罪丹乎？曰：召釐喜印切也。夫強秦之欲滅燕，豈待有釐哉？彼六國之見滅者，又坐何釐也？刺亦亡，不刺亦亡，三尺童子，能辨之矣。卽云幸而苟延焉，乃蜉蝣浮音游音之朝夕也，尙不得爲蟪蛄惠音孤音之晦朔也。有兩人行而遇虎者，其一惶恐拜跪而乞哀以死，其一大呼奮臂鬪不勝而死；而論者，顧以乞哀爲智，以大呼奮臂爲狂，佻音條而攫音嬰虎之怒，則何其愚且謬也！

且太子丹之遣軻也，或籌之熟矣。秦之橫行而不可禦，乃天下驚魂震魄，自懾懾切懾音伏於秦，非秦果能制天下也。斬竿一呼，而天下瓦解，相去幾時？秦旣無德以入人，而其勢又非蟠盤音結而不可動；設一旦其萬乘之君，立死於匹夫之手，國有不內亂乎？天下豪傑，因以知其不足畏，而太子丹者，且收合六國之餘燼音切，以西向而前，吾恐嬴音盈氏之亡，不待沛公之入關矣。其以洩音泄暴秦之威，而倡天下之義，莫此一擊若也。他日張良之椎音椎，蓋猶踵荆軻之劍而爲之者也。其不能成，則天也。故荆軻之與聶政尼切，不可同日語也。

宋人有見於戰國之世，聖人之道不明，先王之法不立，其公子養客而俠士輕生，故一切以儒者之論繩之。惡聶政之以私害公，而并及之於軻；惡原嘗春申之屬，而并及於太子丹。譬如有醫之於藥者，不察其人之何病，而概以烏附爲不可用，日以寬和之劑，切才請養其腸胃，又安能起久痼痼疾而生之乎？

且天下固多散緩肥重以死者，何必其暴蹶蹶音也。宋之亡也，秦檜湯思退之流，日以挑釁之說，挾持殺戮天下之謀臣戰將，始終以講和誤其國，僅有一大儒如考亭者，猶所見之如此，亦何怪乎三百年間，多議論而少成功哉！

然則軻可爲忠臣，丹可爲孝子乎？曰：由今日論之，軻可爲忠臣矣！而要之其人，則英雄而感恩者也。設其遇嚴仲子，未必不爲之用也。若太子丹者，雖與日月爭光可也！

【繩墨之論】泥守成法之議論。【荆軻】戰國齊人。從於衛，衛人謂之慶卿，之燕，燕人謂之荊刺，好讀書擊劍。燕太子丹客之，欲令劫秦王，王既至，以匕首撞秦王不中，被殺。【爲盜】竊目荆軻爲盜，做春秋之書齊豹，清袁枚曾著論以駁之。【狙】習也。將叔

無狂。【喜】太子丹之父。

【召公爽】姓姬氏，名爽，武王滅紂，封召公於北燕，成王時爲三公。

【九原】晉卿大夫之墓地在九

原，後世因謂墓爲九原。

【易水送軻】易水，在今河北易縣。史記刺各傳軻入秦，太子及賓客皆衣白衣冠送之，至易水之上，高漸

離擊筑，荆軻和而歌曰：『風蕭蕭兮易水寒，壯士一去兮不復還。』

【宋儒】即朱子。

【覺】資傳陳曰：『覺，因即謂陳曰覺。』左桓：『雖有

覺，不可失也。』

【蜉蝣】蟲名，夏秋之交，多近水而飛，往往數小時即死，故有朝生暮死之說。

【蟪蛄】蟬之屬，夏末自朝至暮，鳴聲

不息，蟬亦作惠。莊子：『惠姑不知春秋。』

【佻】輕薄也。詩：『小雅：視民不佻。』

【懾服】懾，威勢而屈服也。戰國策：『趙楚懾服不敢攻秦者，

白起之勢也。』

【斬竿】即揭竿。謂倉卒舉事，僅得揭竿以號召也。

【瓦解】瓦解，散如瓦自裂也。史記：『秦之潰散，天下土崩瓦解。』

【萬乘】周制：天子地方千里，出兵車萬乘。後世因謂天子爲萬乘。

【六國】燕、趙、韓、魏、齊。

【燼】火餘。

【嬴氏】秦也。

【沛公入關】沛公，漢高祖，入咸陽，還軍霸上，與父老約法三章。

【洩】滅也。左昭：『濟其不足，以洩其過。』

【張良】名良，字子房，其

先韓人，秦滅韓，良悉以家財求客刺秦王，爲韓報仇，得力士，以椎狙擊始皇於博浪沙，中副車。

【踵】繼也。

【聶政】戰國魏軹人。

韓卿，政遂與相韓傀有隙，欲報之，聞政勇敢，乃奉黃金爲母壽，政以母在不許，及母死，獨行仗劍刺殺傀。

【繩】糾人之失，書：『繩愆糾

謬。』【原嘗春申】趙平原君，齊孟嘗君，楚春申君。

【烏附】烏頭，附子也，有毒之植物。本草綱目：『烏頭，附子，天雄，側子，烏喙，本

爲一物。』金匱篇注：『一歲爲側子，二歲爲烏頭，三歲爲附子，四歲爲烏頭，五歲爲天雄。』

【痛】久病也。

【暴厥】猶暴死也。

【秦檜】

宋江寧人，字會之，紹興間爲相，力持和議，阻止恢復，殺岳飛，置張浚於罪，一時忠臣良將，除餉殆盡。

【湯思退】宋處州人，字適之。

紹興時，以附秦檜，累官參知政事。隆興初，金人索四郡，思退許之，太學生張巖等謂新思退，思退憂悸死。

【考亭】在今福建建陽縣

西南，清一統志：朱子少依父友劉子羽，寓建之崇安，後徙建陽之考亭，後因稱朱子爲考亭。

【嚴仲子】即嚴遂，見聶政注。

王猛論

前秦人，字景略，博學好兵書，隱居華山，桓溫入關，猛被擄詣之，捫齋而談當世之務，後事苻堅爲丞相，削平諸國，封

清河郡侯，卒諡武。

唐荆川曰：王猛者苻堅之謀臣也，此可謂得猛之著者矣。猛處天下分崩之時，其志未嘗不在中原，及其不得已而見用於異國，猶惓惓不能忘，猛蓋識大義者也。

嗚乎！三代而下，亂世之臣識大義者，諸葛亮王猛而已。亮始終心乎漢者也，猛始終心乎晉者也。然亮仕於漢，而爲漢人之所知也；猛仕於秦，而爲晉人之所不知也，吾故舍亮而論猛。

當猛之隱於華陰也，姚氏石氏多雄略之主，豈不能出而佐之？以爲是氏低晉羌切僭竊者，而非其志也。志不肯輕出，而又無以自達於晉，故寧隱焉。逮夫桓溫入關而後喜可知矣，被褐易晉而謁，捫門晉虱而談，詎偶然哉？溫見之而與論三秦

之豪傑，既而曰：「江東無君比也。」蓋溫且心折於猛矣。乃溫還而猛不從，何歟？
嗚乎！猛，英雄也；溫，亦英雄也；天下英雄之與英雄，可一望而知，猛從溫，則溫必大
用猛。然而溫欲篡晉，其從之則苟彘，切於人郭嘉之下者也；不從溫又必殺猛，天下
英雄之相愛而相用也，出於誠。然而英雄之殺英雄，與其見殺於英雄者，則必皆
出於萬不得已，苟有可以釋之，而可以全之，斷不相強也。故此時猛不難於舍溫，
溫亦不難於舍猛。溫欲篡晉，猛之所知也；猛必不從溫篡晉，亦溫之所知也；然猛
自是始無望於晉也矣。

晉偏安江左，僅有一桓溫足以有爲，而又不可以從，大軍一還，彼嶠晉音瀨音
函谷之閒，豈復尚有奉正朔襲冠帶之日哉？其出而相苻堅者，猛之不得已也。一
出而強兵富國，擴疆啓宇，勳績爛然，說者以爲苻堅之管仲，是固猛之生平所裕
如者也，不足異也。垂沒而告苻堅曰：晉正統相承，上下輯睦，非所可圖，臣死之後，
願無以晉爲念，而後其本懷見矣。故吾以爲猛者，非僅僅功名之人也。

然則猛盡并不仕秦。曰：猛之才高於諸葛亮，而澹泊寧靜不及。即其治秦也，亦以英氣爲之，而多不可耐。使亮不遇先主，則必不仕吳。魏者，亮之所能也；猛不遇晉，則并不仕秦者，非猛之所能也。然而，當猛之時，可以爲晉難_去者，莫秦若也。猛存則以秦存，猛亡猶欲以秦存晉，是則吾之所爲識大義者也。

【唐荆川】明武進人，名順之，字應德，嘉靖中會試第一，累擢右金都御史，著有荆川集。

【苻堅】前秦，雄二子，字永固，一名文玉。

晉升平中，僭稱大秦天王，改元永興，俄復改元甘露，晉興寧中，又改元爲建元，以王猛輔政，五胡中最稱強盛。

【中原】對於邊境及

蠻夷而言，晉以中原與江方並稱。

【異國】指秦。

【惓惓】懇至也。漢書：惓惓之義也。

【諸葛亮】蜀漢陽郡人，字孔明，自

比管仲樂毅。後從先主敗曹操於赤壁，及成都平，策爲丞相，封武鄉侯，卒諡忠武。

【姚氏】後秦姚弋仲姚萇也。

【石氏】後趙

石勒也。

【氏羌】西戎也，指姚氏、石氏。

【逮】及也。

【褐】短衣也。

【論三秦豪傑】項羽三分關中，王秦將於三

秦，今陝西省。桓溫問曰：吾奉天子之命，將銳兵十萬，爲百姓除殘賊，而三秦豪傑未有至者，何也？曰：百姓未知公心，所以不至。

【折】心服也。

【荀彧】後漢潁陰人，字文若，曹操以爲奮武司馬，軍國事悉以咨之。董昭等欲進封操爵爲魏公，彧曰：曹公本興義兵，

不宜如此，操心不平，會彧病，操饋以少器，遂飲藥卒，諡敬。

【郭嘉】三國魏陽翟人，字奉孝，曹操召見論天下事，曰：使孤成大業者，必

此人也。表爲司空軍祭酒，封涿陽亭侯，卒諡貞。

【偏安江左】稱帝於一方，而無全國統治之權者，謂之偏安。江左，即今江蘇等處

是也。【澹澹】澹山澹池也。澹山在河南洛寧縣北，澹池，縣名，屬河南省。

【函谷】關名，在今河南靈寶縣南，東自崑崙山，西至潼

津，通名函谷。

【正朔】正月一日也。古王者易姓，改正朔。

【襲冠帶】因而仍之曰襲。首冠腰帶，文化之人所必需也。

【盍】何不也。

【澹泊寧靜】恬靜。欲也。諸葛亮諫子書：非澹泊無以明志，非寧靜無以致遠。

【以秦存晉】即垂沒晉符堅

數語。

顏真卿論

真卿，唐萬年人，字清臣，傳學工辭章，累擢侍御史。代宗朝，再遷至尚書右丞，封魯郡公。德宗時，李希烈反，盧杞

建首遣真卿往諭，希烈脅之，不屈，遇害，贈文忠。

徇國以死之謂忠，抗道不回之謂直。若此者，魯公顏真卿能之。然而當天下變故之際，亂成於前而禍伏於後，強藩不順，人心不服，中外觀其設施，賴其彈壓，所謂大人宰相之事也。以忠臣當之可乎？曰：不可。忠臣能不負國而已。以直臣當之可乎？曰：不可。直臣能不貶道而已。然則真卿何如？曰：真卿者，所謂唐之大人宰相也。唐用之不盡其長，公僅以忠直見焉而已；推公之心，蓋嘗慷慨以經濟自許，而思所以用之，豈樂夫悻悻孤子，必置其身於危地，而與天下後世爭此一日之名哉？

當祿山叛而平原固守，稍識逆順者皆然，不必眞卿也。卽云早知其叛，而預爲之備，彼之蓄有逆志也久矣，特明皇不悟耳，又不足爲眞卿異也。迨夫凶焰轉張，諸郡連陷，公乃謀於衆曰：「賊銳甚，不可抗，委命辱國，非計也，不若徑赴行在。」嗚乎！天下有其實未固而助之以聲，其威尙隱而係之以望，公所謂以聲望係唐之強弱者歟！

祿山甫叛，而堂堂天子，倉皇西走，哥舒老將，一戰投戈，河北二十四郡，無復忠臣，獨有一魯公奮袂而起，椎牛歃山洽切血，號召連結，以橫塞賊衝，是其聲望豈渺小哉！固賊人之所震而驚，而天下之忠義所觀望而激發也。設不審時度力，而一旦成擒，則逆賊之氣彌振，而天下之志以挫，而威以消沮矣。豈特一郡之得失，一身之死生而已哉？委之而去，正其全身以全國者也。不然，公之生平，豈愛一死者，而使聞風逃潰戶內切之徒，得以借口哉？公蓋熟知逆賊之情形，而又自料其廓清之才，當在李郭之列，帷幄之算，當與鄴侯業香相伯仲，而不肯遂以平原畢一旦

之命也。

其見上也，而以為御史大夫，又以為司寇，唐人不知公也。其後代宗在陝，是時僕固懷恩雖未叛，然其逆節已著矣，公請自往召之，諭以勤王補過，使用其言，豈有回紇連兵之禍哉？代宗得以保全其功臣，而一時強藩之歸命者，不至再為猜阻，目前又得其兵以自衛，此皆轉移於呼吸之間，不動聲色，而因敗為功，化有事為無事，是其深識老謀，惟李泌密陸贄僅知之耳，豈特區區辨逆順者哉？

又有不止於此者，玄宗在蜀，而祝冊署嗣皇帝，則真卿諫；李輔國遷太上皇於西內，則真卿率百官問安以諫，代宗自陝還，先入宮而不謁陵廟，則真卿又諫。此皆名分節目之要，而當時自魯公外，無有能言之者。

嗚乎！唐之三百年，治日少而亂日多，其君臣父子之間，傳授不明，而將順不正，六月四日之變，神堯遂退為太上皇，而太宗即位，房玄齡杜如晦不知其非也。太平公主誅，睿宗遂退為太上皇，而玄宗即位，宋璟香不知其非也。浸假而至於

靈武之事，天下益以爲固然矣；獨公於事後，猶能辨其幾微，而謹嚴之於大義，使得盡出其底蘊，如杜房諸人之遭際，必有舉措適宜，使天下相觀而喻，而有以逆銷其僭亂之萌，又豈必待其著而力爭於甲兵權數之間哉？然則魯公之學術，獨見其大，固唐三百年之一人也，雖爲宰相可也。

【魯公】真卿在代宗時，封魯郡公，故稱魯公。

【強藩】指李希烈之輩。

【貶道】損抑其道。

【經濟】經世濟民。

【悻悻】

盡恨之貌。孟子：悻悻然見於其面。

【才】單也。

【祿山】晉州柳城胡人，本姓康，初名阿魯山，又作軻摩山。少孤，隨母嫁安祿山，乃冒

安姓。及長，通六蕃語，累遷范陽節度，兼河北採訪使，逆謀日著，遂舉兵反，陷京師，自稱武皇帝，國號燕，建元聖武。

【平原固守】

真卿爲楊國忠所惡，出爲平原太守，度安祿山必反，乃陰爲備，祿山叛，平原獨完。

【明皇】唐玄宗，睿宗第三子，名隆基，起兵誅韋氏，

奉父睿宗卽位，旋受禪。大寶後，寵貴妃楊氏，致安祿山之亂，避難奔蜀，在位十四年。紀元三，先人開元，天寶。

【凶焰轉張諸郡

連陷】祿山叛，真卿與從父兄杲卿等起兵討賊，河北諸郡共推爲盟主，拜戶部侍郎，加河北採訪使，賊勢甚銳，河北諸郡多陷。

【徑

赴行在】天子巡幸，所居曰行在。時真卿聞關至鳳翔，謁肅宗，授憲部尚書。

【堂堂天子二句】謂明皇也。詳見上明皇注。

【哥舒老將二句】哥舒，名翰，每出，持半段槍，所向披靡，破吐蕃，以功封西平郡王。安祿山反，與賊戰於靈寶，大敗降賊。

【河北

二十四郡五句】祿山反，真卿遣平原司兵李平，聞道奏之。明皇聞河北郡縣皆從賊，歎曰：二十四郡，曾無一義士邪？及平至，大喜

曰：朕不識真卿作何狀，乃能如是。真卿召募勇士，旬日至萬餘人，諭以舉兵討賊，士皆感憤。【椎牛】殺牛也。【歃血】盟者以

血塗口旁之稱，孟子東戰載書而不敵血。

【潰】兵散曰潰。

【郭清】猶言肅清也。

【李郭】李光弼與郭子儀也。光弼柳城人，肅宗朝，拜節度使，平安祿史之亂，與郭子儀齊名，世稱李郭。中興戰功，推爲第一。子儀，華州人，果遷朔方節度使，肅宗勞之曰：國家再造，卿力也。

【帷幄】軍中帳幕也。漢書：運籌帷幄之中，決勝千里之外。【郭侯】謂李泌也。泌字長源，封鄆侯。

【伯仲】秤量人物之

等差也。杜甫詩：伯仲之間見伊呂。

【見上】上指肅宗。

【御史大夫司寇】真卿以權丸達表於靈武，上以真卿爲刑部尚書，

兼御史大夫，領河北採訪使如故。

【代宗】名豫，肅宗子。

【僕固懷恩】鐵勒部人，世襲都督，善戰，安祿山反，從郭子儀討賊，

復兩京，平史朝義，有殊功，累官尚書左僕射，封太寧郡王，後以怨望，誘合諸蕃入寇，病死。

【回紇】國名，一作回鶻，突厥之別種。元魏

時亦號高車部，隋曰韋紇，唐時稱回紇，代突厥而有內外蒙古之地。後併於蒙古。清代謂其地曰回疆。

【連兵之禍】指僕固懷恩

引回紇吐蕃入寇，適逢奉天事。

【陸贄】唐嘉興人，字敬輿，德宗時爲翰林學士，甚見親信，時號內相，累遷中書侍郎同平章事，卒諡

宣公。【諫祝冊署嗣皇帝】舊唐書：真卿傳：真卿雖天子蒙塵，典法不廢，消變與將復宮闕，遣左司郎中李巽，先行陳告宗廟

之禮，有司署祝文稱嗣皇帝，真卿謂禮儀使崔器曰：上皇在蜀可乎？器遽奏改之中旨，宣勞，以爲名儒深達禮體。

【率百官諫還

太上皇】

上元元年，李輔國逼太上皇於西內，刑部尚書顏真卿首帥百寮上表，請問上皇起居，輔國惡之，乘貶蓬州長史。

【諫

代宗不謁陵廟】廣德元年，車駕發陝州，左丞相顏真卿，請上先謁陵廟，然後還宮，元載不從，真卿怒曰：朝廷豈堪相公再壞邪？載由

是衛之。【將順】順而行之也。李經：將順其美。【六月四日之變】謂武德九年六月，秦王世民，殺建成，元吉事。【神堯退

爲太上皇】神堯謂唐高祖也。武德九年，帝自稱太上皇。

【房玄齡】臨淄人，太宗爲秦王時，玄齡爲記室，居十八學士之首，累官

尚書左僕射，封梁國公，卒諡文靖。

【杜如晦】杜陵人，字克明，太宗時，爲尚書右僕射，世稱房謀杜斷，封秦國公。

【太平公主

誅【太平公主，武后女，開元元年七月，誅逆驕死。】

【睿宗退爲太上皇】睿宗名旦，高宗子。太極元年八月，傳位於太子，太子即

位，尊帝爲太上皇。

【宋璟】南和人，玄宗時爲相，與姚崇並稱，封廣平公。

【靈武之事】謂肅宗即位於靈武也。玄宗本紀：天寶

十四載六月，上將發馬嵬驛，百姓乞留皇太子，收復京城，因留太子。八月，靈武使至，始知皇太子即位。

【唐三百年】唐祚二百八

十七年，曾三百者，舉大數也。

豎人臧說

童僕之未冠者曰豎。

豎人臧者，吾兄授以乳羊七，臧受而牧之二年矣，羊未之增也。吾兄怒而責之，曰：吾羊之牧於他所者，歲兩乳焉，其所乳者，又乳焉，而汝之畜獨不繁。臧俛首無以對。吁！臧可賞也！

同儕

天下有以不亡爲存者，臧殆是也。牧二歲而猶七其羊，臧可謂能守其故者矣。天下之業，苟今以受之昔，後以受之今，日傳而日守其故，土不必其能廣，人不必其能衆也，無失先王之舊封，雖世強焉可也；無失先王之舊民，雖世富焉可也。天下之關疆而疆以臧，料民而民以臧者，是殆臧之所不爲也。